

Ji pirtûkxana Casimê Celîl 8

H. TÜMANYAN  
**GÎKOR**

Wien - 2012



Çapkîr – Înstîtûta kurdzanîyê - Wien (IKW)

H.Tûmanyan: Gîkor

## **Werger — Emînê Evdal û Hecîê Cindî**


Rêdaktor – Casimê Celîl

Nîgar — K. S. Pêtrov-Vodkîn

## Weşana pêşin – 1932 Rewan

Karê kompyûtêrê – Lûsîka Gêrman

Mîzanpaj — Cemal Celîl (Alionis)



ISBN 3 - 902185 - 29 - 5



Ji pirtûkxana Casimê Celîl 8

H. Tûmanyan

# Gîkor

Werger: Emînê Evdal

û Hecîê Cindî



Wien - 2012

## Du xeber

Me “Gîkor” guhast ser wê nêtê, wekî ji zmanê zarane. Wextêda zara ew kitêb xwendye bi dil û eşq. Kêfa wana zef pêra hatye.

Hovhannês Tûmâyan nvîskarekî kifşe nava xebatçiyê Zakavkazêda. Ewî gele miqale nivîsîne ji emrê xebatçiyê Zakavkazê û ji emrê zara.

Ji wan miqala yek jî “Gîkore”.

“Gîkor” wî çaxî hatye nivîsarê çîçax Zakavkazêda kapitalîzm diha gumreh dibû, pêra jî gund wêran dibûn. Xebatçiyê gunda û zarê mîna Gîkor dihatin bajara boy xebatê, boy paletiyê.

Xwelî dest gundiyyê xebatçida tunebû, xwelî ji destê wana distendin.

Tûmâyan “Gîkor” hema ji wê dewranê jî nivîsiye. Nivîsiye derheqa wê zelûliyêda yak wî çaxî bûye û zarongê nola Gîkor mezin bûne.

Lema jî me layîq dît, wekî eva kitêba zû bê neşirkirinê, bikeve destê zarê kurmancê xebatçiyê Zakavkazê di hêna berêda.

*Nasi.* Me cî-cî xeber nivîsîne bi herfa B û cî-cî bi herfa V. Mesele – Çûbû, çûvû û yê mayîn. Ciya jî cümle awqa nêtlî nehatine nivîsarê.

Ji vê yekê heval gere bibaxşînin, çimk têrmînê zimanê kurmancî awqa jî vê gavê nayêne xebatê, tunenin.



Hovhannès Tûmanyan  
1869 - 1923

## 1.



ala Hamboyê gundîda şer bû.  
Hambo dixwest kurê xweyî  
12 salî bive bajêr, şuxulekî  
jêra bivîne, bide ser sinetekî,  
seva kurê wî pêsekekî hînbe,  
lê dîya Gîkor qayîl nedibû.


– Nikarim, gedengê minî  
zare, hela nikare tu pêse jî hîn  
be, min ne lazimî wî pêsekê-  
ye: dîya Gîkor digot û dibiland, lê Hambo guhdarî nedikir.  
Rojeke delal bû, lê merivê mala Hambo melûl bûn.

Hambo Gîkor dibir bajêr, gundiyyê wan heta kêleka  
gund pêra hatin, çûne rûyê Gîkor û rôexistin.

Zanîya xûşka wî digirya, “Gîkol, kuda diçî, hêy Gîkol”,  
– eva giliya jî Galoê birê Gîkor digot û dikire gazi.

Gîkor zû-zû pajda dinêrî, hela cînarê wan neçûbûn  
hundurê malêd xwe. Dîya Gîkor hela digirya, pê şalka xwe  
çevê xwe temiz dikir. Gîkor dabû pêşya bavê xwe, diçû,  
mîna cara dida çirtika, diçû dihat, carekê jî pij xwe nihêrî  
ku diha gund ketye pij banî, naxwêne, ji wê şûnda Gîkor  
pajda dima, pêkol dikir.

– Ha were Gîkor can, ha were, hindik ma, – Hambo di-  
got û diçû, xurca wî jî ser milê wî bû, Xurcika xwe dabû ser  
milê xwe, xurcikêda deste titûn, hine penêr, çend nan he-  
bûn. Nêzîkî êvarê bû, Gîkor û Hambo ser gelek çiya, ban-



ya û rîya derbaz bûbûn. Gîkor carekê ji berê xwe gundda kir, nihêrî gund wê nav mij û dûmanêda dixuêne, gelekî ji gund dûr ketine.

– Ha, ha, bavo, mala me waye, – ha Gîkor destê xwe dirêjî berbi gund kir, ew-ki gund qet nexuên bû, çûn dîsa.

Roja ewlin gundekî qesidîn, Hambo çû mala nasê xwe.

Xişe-xişa samovara qîçik bû. Qîzeke delal fîncane dêstda, şixke-şixka wê bû, dişûşt û dadgirt, keçkê kincê sore delal xwe kiribûn.

Gîkor dilê xweda digot: “Ez ku çûm bajêr xebitîm, ezê Zanya xûşka xwera kincê wa sor bistînim, bivim. Evarê pey şîvîra Hambo û xweyê malê qelinê xwe tijî titûn kirin û dikişandin, giliyê wanî pêşin derheqa Gikorda bû.

Xweyê malê payê Hambo dida, çawa Hambo kurê xwe ji gund anîbû, dixast bibe bajêr, bibe meriv, pêşekkî hîn bibe.

Pey giliyê Gîkorra derheqa şerda xeberdan, paşê derheqa biha, arzanbûna nanda, çika nan ci bahaye bajêrda. Lê Gîkorî westya bû, xewa wî dihat, radiza. Roja dinê rabûn, çûn bajêr, nav bazarê. Tucarekî got:

– Kalê, te ew kurik anîye bikî xulam?

– Belê, ez xulam. – Hambo kurik devda, seva ser rîya wî hilda, çû cem tucar.

– Bîne cem min, ezê bigrim. – Navê wî tucarî bazaz Artêm bû.

## 2.



ambo bazarda Gîkor da ber destê bazaz Artêm.

Artêm Hambora wa got, ko Gîkor malê gerekê gêzî ke, pêlava paqîş ke, xarinê bibe di-kanê.

Gîkor, wê meytarîke wa bi-kira heta salekê.

Salekê şûnda Artêm gerekê ew bibra dikanê çawa “şagirt”, wekî wî qeydeyi Gîkor pêşda bihata û bilyan bibya.

– Hela muxdarê pênc sala ez tu heqyatê nadim kurê te, çimkî ew qe tiştekî nizane, ya rast wekî ez bêjim, gerekê hela tu serra bidî, wekî kurê te hînbe, bibe meriv. Tu fem dikî ci dibêjim, Hambo?

Hambo got: – Hilbet kurê min tiştekî nizane, wekî za-nibîya, minê çira banya cem te, min jî anye seba kur hîn be, ber destê camêrê mîna te.

– Wê hînbe, wê her gilîya hînbe, wê kêfa te hînbe...

– Nikolê alyê we nas dikî? Ewî vira niha dikana wî jî heye.

Ew Nîkol li cem min hînbûye, lê hema wexta çûyînê du kevçîyê çayê û tişte dinê dizî.

– Na, xazêyîn can, eva tişta nadize, wekî ew tiştekî usa bike, ezê bêm milekî wî bigrim û bavêjim çemê hanî Kurrê.

– Erê, hergê kurê teyî helal be, bizanbe, wê ji xwera bive merî...

– Lê, lê, derdê mi jî ewe, begê min, ez qurba, wekî bive meriv, zimana hîn be, merva naske, wekî mîna min belengaz nemîne, feqîr, fuqare. Ew xwe jî alîfbe nasdike. Mekteba gundê meda hîn bûye, xwe jî kurekî çevvekirîye, lê reca min te heye, ku hûn rind guh bidne wî, zare, tifaleke.

Ser vê yekê Artêm Hambo guman kir, derket derva û got kulfeta xwera wekî mîvanara nan û çayê bînin.

### 3.



ambo kurê xweva mala  
Artêm rûniştin.

- De, niha tu zanî Gîkor can, çika kurekî çawa wê ji te derê, gerek bikî ha... ez ci zanim.. ay Xudê, Hambo kire mirîn û qelina cixarê derxist. Lê Gîkor çar alîyê xwe mêtë dikir.

- Bavo, bexîriya van tune?
- Na, lawo, ya van soveye, hela binhêre, ha-ha...
- Bêderê wan jî tunenin!
- Na, lawo, evana bajarline, xwe gundiyyê mîna me nînin, bêdera bikutin.
  - Lê nan ji ku tînin duxun?
  - Nan, nan bi pera distînin û tînin duxun.
  - Nan jî bi pera distînin, rûn jî, şîr jî, mast jî, dara jî, heta avê jî. Wa....
- Lê ji evî bajarîra Tiflis dibêjin, tu hela qoçax be, tê gelek tişte teze hîn bî...
- Lê dêra vana heye?
- Lê çawa, heye ew jî mîna me ermenîne, pey İsa diçin.
- Binhêre ha, deste xwe bi xwe bigrî, dibe qestîka pera bavênerdê, hilnedî, eger te hilda jî, bibe bêje: "Xanim can, eva perê çine? Min erdê dît."

– Vira jî çima prîstav heye?

– Heye, lê, bê wext neçî ciya, pere dikevin destê te pûç nekî, hezar kêmasyê me hene. Xwe jî pak xweyke, şeva lihêf ser te neçin, serma nekî, hey-hey kaxeza mira bişine.

Hambo hindik-hindik ewledê xwe şîret dikir, lê Gîkor, dihêniyîja.

– Dibe kurtolê nanê kartu bidine te, xarina ber wana dimîne, gele cara jî dive ew buxun, nedin te, tişt nabe, qeydê meytarane. Rojin, wê bêñ derbaz bin.

Hambo dîsa şîret dikir kurê xwe, lê Gîkor raza bû... kur wan roja awqa tişt dîtibû, diha lap westyabû û nikarbû guhdarîya bavê xwe bikira.

Dikanada diha cî tinebû, pirtîyê cure-cûre dabûn ser hevdû, êmîş, top û bûkê zara, firxon, avtamabil, kaçke.

Lê hema wî çaxî oda mayînda Artêm kulfeta xweva şer dikirin.

Kulfeta wî digot: “Evî xame, ji cîyê beyanîyê hatye”. Lê Artêm şâ dibû, seba bêheq xulam destaniye.

– Wê hîn be, la-lawo, – dîya Artêm digot. Nato xanim bextê xwe ne qayîl bû. Ew bextê xwe ne razî bû, wê gavê pirçuyê xwe kiribû.

## 4.



îkor tenê rûniştibû, cîyê xarina Artêm.

Ew îdî nav qulxêda bû. Ew dixebeitî. Kincê xwe lap gu-hastibû, dabû serê xwe kumê “xezêyînî” kevn, Pê kiribû solê kevn, xwekiribû kirasekî wayî pak û rûniştibû cîyê xarinê, wa difikirî: “Çira ji gundê xwe hat bajêr, niha ketye kêderê, niha wê ci bike? Çawa rabini, runêm û bixebitim nav van meryê nenas û xerib.”

Hema wî çaxî hate hundur Nato xanim. Xanimê tiştek got. Gîkor pak se nekir, yanê jî fem nekir.

– Hê, terame, cewrikê hirça.

Gîkor tevhev bû, xuyîda, xwest bipirse çika ci dibêje, yek jî dil nekir. Xanim bi hêrs derket derva.

– Hi, – ez xwelî serî te kim, beyanîne û têr serê merya dibin xeta, ez gazî dikim, ew ji ci nalipite, deng jî dernaxe.

– Kuta bû, – Gîkor duşurmîş bû. – Lê çiqa zû kuta bû, çiqa xirab derbaz bû... Niha ez çawa bikim, bavê min jî çû.

Gîkor diha her gilî kutabûyi hesab dikir. Wê demê niş-kêva diya Artêm hate hundur. Ewê şiret Gîkor kir, ewê di-got: – Lawo, wextê xanim tê, gere tu rabî ser xwe, cava wê bidî, çîma ker dibî? Axir usa nabe.

Pîrêra dêdî digotin.

Dêdiyê Gikor hîn dikir, çawa semevarê bavêjê, pêlava temiz ke, çotkê bigre, feraq bişo.

Xênjî pîrê gişk Gîkorra nepak bûn. “Şagirtê dikana” Artêm qerf pê dikirin, jêra dgotin: “Kîkî”.

Birçî bûn ku heye, çetine.

Wexta mala xwe birçî dibû, diçû ji şkefa malê nan danî, kesî ne digot, çima ji kupa penêr derdixist, dixar û diçû çolê, dilist, yan diçû ber berxa. Wexta birçî dibû, diçû ser kanîyê, yanê binê derextekî rudinişt û dixwar.

Niha vira cûrekî başqeye, ciqa jî birçî bî, gerekê sebir kî heta nîvro, ew jî gerekê gişka nan bixara, paşê ewî. Ew wextê têrmaş jî usa dereng derbaz dibû, heta kur lap ji hal diket.

Carekê jî Gîkor gelekî birçî bû, çevê xwe çarhilqe gerand, dixwest kurtole nan bidîta, ku bixwara, heta wedê xarinêbihata.

Berê çi didît davîte devê xwe, nanê hişk, xestu. Paşê hinnekî fikirî, here ciyê nan, xarina wan. Axrî hîn bû ji sîtila goştê nîvkelî goşt bikşîne-bixwe.

Lê wekî bidîtina...

Çi tiştekî mirdar (xirab) wê jê derketa...

Lê çi bikî...?

Bihêli – birevî...?

Niha Gîkor duşurmîş bû derheqa revêda, lê çawa bireve, kuda, kîalî û ew jî tenê. Rê nizanî, merva nas nakî, lê bav....

Awqa xebitî, xeberda şîret kir: “Rone, lawo, wê bibin tarî jî, wê derbaz bin jî...”

Hela sere wîda bûn gilî-gotonê bavê, “Rone, wê bibin tarî jî, wê derbaz bibin jî....

## 5.



engil lêdixstin.

Gîkor, banzda ser xwe. Got-bûnê, wexta zengil lêdixin, here binhêre, kîye, ci dixwaze. Ew çû derva, lênihêrî û dît axak du jinava.

– Ew kîne, ê, – deng da ji jor.

Jêla jorê nihêrîn, xanim kenya, lê xort serê xwe bilind

kir, hevraz nêhêrî û pirsî.

– Xanime malêye?

– Ci werane? – Gîkor pirsî.

Ewana diha kenyan, lawkê axa diha hêrs bû, got:

– Em divên, male, yan na?

– Şuxulê we heye?

Ser vê qije-vijê xanim derkete derva.

– Tu bimirî, here derî veke.

Gîkor çû derî vekir, mîvan hatin hundur, Nato jî kenya, çû pêşya wana.

– A, ser çevê min, ser serê min, pake we em bîr anîn.

– We eva ji ku anîye? – axa ji xanimê pirs dikir, lê xanim kaw dibû Gîkorva û li wî dikenya.

– Hûn ci dikenin, hiz dikin ez bidme we xulamê xwe, — (qerf) û kenê wawa çûn hundurê malê.

Nato Gîkor şand cîkî, ew jî mîvanara çû mal.

Pey slavara mîvana serhatîya xwe û xulamê Nato kirin.  
Ser hatî temam dirêj bû.

– O, dilê min maşandye, wekî hûn zanbin, çik min kişandîye ji destê Gîkor,

Xanimê digot û serê xwe dihejand.

– Dibêm derxe, bira inda be, here, de hûn xeysetê Artêm zanin, dibê, guneye, zaruyê gundyane, wê loqe nan buxe, wê hîn be. Axir kengê, dilê min herçî hebû, ew jî maşya, çû....

– O-oo.... Derdê wan xulama diha nebê, – mîvana cavdan.

Mîvana û Nato xanîn weke nîv sehetî gili-gotin kirin  
û hema wexta wana dengê xwe birîn, Gîkor bi xuydanêva  
kete hundur.

– Xanim, min êmîş anî.

– Pak, te qenc kirye, – Nato got, – niha here, – û xwe soromoro bû, lê mîvan kenyan.

– Xanim can, xazêyîn got, êmîşê dinê bihaye, lazim nîne, bira arzan be, emê paşê jê biha bistînin.

Ser vê yekê mîvana kenê xwe zeft kirin: dezmal dane ber devê xwe, wekî nekenin. Hinekî jî seva şerma xanimê. Bona şerma xanimê bidne revandinê, wa gotin:

– Usane, êmîşê vê axrîyê derketin, zef bihane, kî niha distîne? Paşê jî gotin, êmîş ci lazime, xwe em nehatine seva êmîş, hûn ci zemetê dikşînin.

Xanim sor bû û dixwest kîmasiyê xwe veşêre.

– Kî zane, ci gotye, fem nekirye wî mirdarî gemar.

– Kî derewa dike bikeve erdê.

Gîkor ku eva xebera got, gi kenyan, Nato diha nizanbû ci bigota.

## 6.



ey verêkirina mîvana, Nato bi hêrs sifre temiz kir, hey Gikorra jî dida xebera, bextê xwe reş dikir, mêt jî pêra.

— Hela xame, ewleda min, wê hîn be, lawo, dile xwe fire ke. Ax Xwedê, tu çima ruhê min nastînî? — Mirîna pîrê bû.

— Bo, ez nizanim, wexta hêrsa merya tê, hûn ci dibêjin "Xame", de herin hûn xwe hîn kin, xu ez girtya we nînim?  
— Bûka pîrê diha dengê xwe bilind dikir û yet û yet cava pîrê dida, û dîsa nifîri xwe û mîrê xwe dikir, heta hatina mîrê xwe.

Ü wexta dengê mîrê xwebihist, diha girya û hêsis ji çeva hatin xarê, bû reqe-reqa feraqa, çend heb şkînandin, çend hev jî avîtin ser hev.

— Ez dibêm derxe, bila here, ezê şuxulê xulamê te jî bikim, eger timaya pera dikî, usa nabe, yekî pak bigir, bese, ez awqa dest xulamê te bizêrim, ewî ez peritandim, xwe dijminê min nîne?

Bazaz orta malê sekînî û dipîrsî ci qewmiye...

— Diha idî wê ci biqewme, ew maye wekî meriv cem xelqê bibe sosret, te ew jî kir, — xanimê dest serhatya mîvana û êmîşa kir.

— A, — kire qîrîn bazaz.

– Ax Xwedê, – dibû mire-mira pîrê.

Bazaz gazî Gîkor kir. Pey gazîkirina wî, Gîkor bû repe-repa wî, hate hundur.

– Were nêzîk, – Artêm gazîkirê. Gîkor tirsya ji dengê wî, ji cîyê xwe nelipitî.

– Tera dibêjim, were nêzîk....

Vê carê Gîkor ji cîyê xwe lipitî, lê dîsa cîyê xweda ma.

– Lo kurê kuçka, ez dibêjim here gilya xanimêra bêje, tu mîvanara dibêjî, wekî êmîş bihaye?

– Min... min xanimê...

Hela Gîkor gilyê xwe kuta nekirbû şemaq gihiştê, pirîsk ji ber çevê Gîkor pekyan, serê wî dîwêr ket, bazaz ser erdê jî çend peyna gîhande kur û pêra digot: “Êmîş bihaye? Bihaye, erê?”

Pîrê diricifi, xwe avîte ortê, dixwest rewirê harbûyî paş-da vegerîne. Nato jî çû pêşda, zara jî dikirin qîje-qîj. Paşê, gava Artêm heyfa xwe stand, ew jî paşda çû.

Lê Gîkor, Gîkor jî dikire gazî û hewar, lê hewarya wî tu kes nehat. Nele-nela Gîkor bû: Wey-wey, inê can, inê, – digot.

## 7.



ihêrîn ko Gîkor nikare malda xulamtiyê bike, birne dikanê. Gerekê wêderê hûr-mûr bida-na bikirçiya, gerek çit bifrota, dikan paqîş kira, wexta vala buya jî gerek gazî bikirçiya bikira.

Gîkor diha nan dibir di-kanê. Carekê jî fera destâ ser pirêra dicû, lênihêri ser çemê Kurrê qeyikek, du meriv têda mesî digirtin, yekî tor davîte avê, yê dinê jî miqatî qeyikê bû.

Gîkor dilê xweda digot, wekî vê carê wê mesîya bigrin, lê wê carê tor vala derket, wexta cara duda tor avîtinê, Gîkor got:

– Ew jî bextê minra. – Bextê Gîkorra tor dîsa vala derket. Torçî car dinê avîte, ew jî bextê Zanîyêra, ew jî vala derket.

– Ew jî bextê Galora.

Galo jî bêbext bû.

– Lê ijar jî...

Wî çaxî yekî ecem meymûnek digerand û pêra distra.

– Ay-were-were meymûn,

Şivka serê te meymûn,

Mîna pîra qûz-qûz,

Mîna cahila bilîz meymûn.

Cimet tijî ser bûbû, yê din jî dihatin bidîtana.

Gîkor dikir xwe orta cimetêra kira, bidîta, ê ka meymûn çawa dilîze.

Hema wî çaxî nişkêva kîntok tepek serê wî xist, got:

– Biceme, here şuxulê xwe, ci kula te vira heye û hema wê deqê Gîkor bîr anî û revî berbi dikanê.

## 8.



varê Gîkor kîlerêda qincilî bû serhev, hela çevê wî ji hêşra ziha nebûbû. Sûretê wî hela ji şemaqê xazêyîn dişewitîn, hela teze dengê xanimê hatibû birînê. Hema wî çaxî ji nişkêva şagirtê Artêm hate hundurê malê. Ewî ku Gîkor

dît, pirçiyê xwe kir û ciyê xweda sekinî:

– Ji kilûbê derengî ketî, çejkê hirçê yanê şuxulekî teyi ferz hebû cem koprñator?

Gîkor serê xwe bilind nekir.

– Bêje, hela bizanbim-hê...

Gîkor deng nekir.

– Nabihîzî, hêy, kêderê bûyî, wekî iro te ez ji birçîbûnê bikuştama, paşê? Wa hêdî-hêdî xeber dida û pêşda diçû, hevekî sekinî, paşê tepek da serê Gîkor. Gîkor herdu destê xwe da ser-serê xwe û diha qincilî ber dîwêr. Vasso dikir yekî din jî bighîne kur, lê dengê xezêjnê Gîkor hat. Dihat.

– Hela bisekine, wê te çawa bike? – Vasso digot.

“Niha wê min bukuje”, Gîkor duşurmîş dibû û merûmî bi carekêva diricifi.

Xezêyîn hat malê. Ewî Gîkor dikanêda kutabû, tenê got: – Nan nedinê, seva hişê wî bê serê wî.

Ser vê yekê Gîkor hevekî hêsa bû. Lê disa dengê xanimê dihat: – Derxe, derxe bila here idî....

## 9.



îkor xwe qinciland, kete bin lihêfê. Şevê xewa min tine, yê min divîne, divê mala wî tine, ax mal tine...

Vasso kilama xwe digot, pêra nan dixwar. Gîkor jî bin qilçê lihêfêra lê dinhêrî, paşê serê xwe dikir bin lihêfê, dirgira û dikewgirî.

– Hi, çawane, halê te çîye, usane, – Vasso got û pirtî nan û penêr dayê, – de buxe hela xazeyîn nehatye û nedîtye.

Gîkor revand nan û penêr, serê xwe kire bin lihêfê, ke-re-ker dixwar û duşirmış dibû. Fikirmış dibû derheqa gundê xwe, wextê nan û penêr frêqet, bê tirs û şerm ji şkevê hildida, diçû çolê, distra. Fikirmış dibû derheqa wî çaxî, wexta mala wanda şer bû, dereqa anîna wî bajarı. Bavê digot: – Ezê Gîkorê xwe bivim, dê digot, na....

– Wax dayê can, te çawa zanibû eva ecêba? Gîkor hey penêr dixwar, hey jî guhê xwe bel dikir, bona hatina xazeynê.

Lê sibê şebeqê sekinîbû ber derê dikanê.

## 10.



îkor ber derê dikanê sekinibû,  
gazî mişterya dikir û peyê  
hûr-mûrê xwe dida.

– Gazîke, hêy çi sekiniî mîna  
miriya, devê teda ho av tine.

Û wa Gîkor dîsa gazî dikir:

– Kerem kin vira, kerem  
kin vira, werin vira. Hûndur-  
da xazêyn mervê dora xweva

ji kena dibiecîn.

Gîkor usa hîn kiribûn, ku wexta inişterî dihatin, gerekê  
ewî pêşa wana bigirta, bikişanda hundurê dikanê. Awa di-  
kir Gîkor gele cara, lema jî zef dihate kutanê, çimkî kîntoya  
lê dixistin, gava ewî usa dikir. Cara jî ji germa havînê û zef  
gazîkirinê diwestya û cî bi cî ber dêrî ser parça radiza.

Wexta razanê cînarê wî yanê jî hevalê wî birnotî danîn,  
didan ber pozê wî, wan çaxa Gîkor dibêniyî û nişkêva banz-  
dida ser xwe. Ser vê yekê dikançî gi dikenyan û laqirdî di-  
kirin, lê xazêyn ji kena şûnda lê dikir qîrîn.

– Radizêyi, kero, çêjkê hirçê, gazîke, hêy...

Û Gîkor dîsa û dîsa dikir qîrîn: – Kerem kin vira, ke-  
rem kin vira.

## 11.



ojekê jî wexta Gîkor gazî müş-  
terîya dikir, du gundî ber di-  
kanê dît û nişkêva xwe avîte  
wana.

– Kuro, min qe nas nekir,  
eva çi teva bû, – bi ecebmay ji  
gundya yekî kire qîrîn.

– Minê ji çeva nas bikra,  
– payê xwe da gundîk. Ya rast

Gîkor zef hatye guhastinê û belengazkirinê. Maşyaye, kin-  
cê xwe jî guhastîye, nedhat naskirinê.

– Lo kuro hela binhêre, temam bûye merî, hela kincê  
wî, merifeta wî, – gundî mabûn ecêbmayî....

– Xwelya Hambo serê me, binhêre ewî kurê xwe anî  
kêderê, ha. Lawkê me wêdarê xinzîra diçérînin....

Lê Gîkor ew nedidan sekinadinê, pirs pey pirsê dida  
wana.

– Dîya min çawane? Zarê me çawanin? Bavê min çira  
nehat? Çeleka me zaye, yan hê na? Gundê meda kî mirye?

– Gi jî pakin, slava tera dişînin, her Sûknans Gukas mir,  
yek jî Pûçûrans, ewa pîr, yê din gi jî pakin.

– Lê bavê min çima nayê?

– Bavê te dixast, lê çawa bê, ew merivekî tenêye, cefayê  
malê gi ser wîne.

– Lê tişt neşand?



– Çî wan heye, çi bişîne, tu qeydê mala we nizanî? Îsal nan giran bû, ancax feqîrî tivdarekê malê dîtye, eger heye, gerekê tu bişînî.

– Kes ji mala me nexweş neketye?

– Na, ewe, her ew çèleka we Gulê ji kuleka tewêa Mîr-zera ket û hiştk bû, mirar bû.

– Gulê mirar bû?

– Dîya te merum awqa girya, wekî çevê wê lap werimîn.

Pey gotinê, gundîkî namek derxist, da Gîkor û got:

– De bêje gotina te çîye, diha em dive te nevînin, emê herin, eger tê hûrmûr dîya xwera bişînî, bide me em bibin.

– Ji kêderê ezê bişînim, hela ez pera nastînim...

Hema....

– Hema çi?

– Ez dixazim wera bêm, min bîra malê û gund kirye, yek jî...

– Wa, me jî tirê tu bûyî meriv, te aqil girtye, lê giliyê usa dibêjî, ku em lap ecêbmayî dimînin.

– Me digot hela tu cîyê zarongê me jî bikî, em bişînin wana bajarêd wa. Tu vira mîna bajarlıya dijî, kincê teze xwe kirye, dest û pê temiz...idî....

Ew metele, mezina gotine, wekî serê xinzîrê danîne ser xalîça temiz, lê serî ji wêderê ketye nav heryê, ew niha ya teye, bira.

Evi cûreyî gundai Gîkor şîret dikirin û axrîyê pişta xwe danê çûn.

Pey wanara Gîkor çû koşê berê, nema bavê xwe xwend. Nemêda bavê wî wa nivîsibû:

“Delalê min, Gîkor can. Em sax-silametin, em saxî, sla-

metya te dixazin. Apê te, Zanî, Moso, Mîkiç, Galo, gişk tera slava dişînin.

Gîkor can, Zanî, dîya te gişk tezîne, xerc ji me dixazin, eger dikarî çend kapêka bişîne...

Teva eyan be, ko çeleka me Gulê jî gever bû, kesek ali me nake”.

Gîkor name xwend û fikirî, kul û derdê malê (tengasiya malê) bîra wî nedîçûn. – Dya te û Zanî tezîne... – Cîyê me tengê....

– Bike gazî, hê...., ci sekinîî, av devê te diçe, – jî hundur kirne gazî.

Gîkor destpê kir:

– Kerem kin vira, kerem kin vira, werin vira, hûr-mûra bistînin.

## 12.



ivstan hat. Tîpî û baran tev da, serma ketê erdê. Te digot ew tîpî û surr mervê kesiv, êtîm digerya.

Axriyê ewê Gîkor jî dît û lêkir. Arxalixekî ziravî lê bû û dîsa ber derê dikanê disekeinî dikire gazî.

Carekê jî pêlek sar hat, mîna surrekî du paxir hat û ket nav dil û cegerê Gîkor. Gîkor ricifî, xên jî wê ew jî zef maşya bû, awqa jî besî wî bû, wekî biketa nav cîya. Û ket nav cî jî.

## 13.



oxê Artêmî kevinda Gîkorê nexweş radbû, rudinişt. Dêdî, pîrê, rojê du-sê cara diçû te-selya Gîkor dikir û pêra jî ber xwe xeber dida.

– Çi dixazî Gîkor, lawo.

– Avê.....

Dêdiyê av didayê, Gîkor bi destê xweyî ricafî av digirt,

veduxar û dîsa dixast.

– Eva dilê min rehet nake, dêdî, ez ava kanya me sar dixazim, dêdî, ezê herim mala me, diya xwe dixazim.

Bazaz Artêm fikirî. Gerya, mervê aliyê wan dît, teme kir, seva Hambo bê, halê kurê xwe bipirse. Lê Gîkor jî bir nexaşxanê.

Wêderê gele nexweş hebûn, gi cêrge ser cîyê xwe velez-ya bûn. Ente-entâ nexaşa bû.

Gîkor jî cem wana dane velezandinê. Hema wêderê jî bavê Gîkor kur dît.

– Tu çi bûyi, Gîkor can, – bi qujînîyêva Hambo xwe gîhand kurê xwe. Gîkor germêda diqijili, haj bavê xwe tinebû.

– Gîkor can, hatime de, ez bavê teme de, lawo....

Gîkor tişt fem nedikir, her xwe xeber dida û dikir gazî: “Mîkîç, Zanî, Apî, nanî...”

– Virame, Gîkor can, dîya te ez şandim, seva ez te bi-  
bim malê... tu nayêy? Dîya te û Zanî wê ser xanî sekinîne,  
hînya tene, nayêy, cî dibêjî?...

– Kerem kin vira, kerm kin vira....

Digot û dikenya ber pesna.

## 14



u roja şûnda! Hambo diçû gundê xwe.

Gîkor kirbû çel. Bin milda kincê ewledê xwe dibir, seva dê ser bigiryâ. Cêva Gîkorda çend bişkoşkê nexş, perê reng-rengî û çend derzî dîtin. Qe ewî seva xûşka xwe top kîribû, banya Zanîyêra...

Hambo diçû û fikirmış dibû. Gele wext derbaz nebûbû, wexta ew û Gîkor ji gund hatin, çûn bajêr.

Ev ew kevir bû, wexta Gîkor ser rûnişt digot. "Bavo lingê min dêşin, ez westyame. Ewê han, ew derexteye, cîyê Hambo, Gîkor ber rûniştin, rehet bûn, cîyê lê av vexwarin.

Gişk, gişk hebûn, tenê Gîkor tinebû. Roja dinê wexta Hambo çiya û banyara derbaz dibû, Hambo gundê xwe dît. Kêleka gund Zanî, Mîkîç, dîya Gîkor, Moso, Galongê çûçik hîviya Hambo û Gîkor bûn, çika wê kengê bêne malê.

Galongê çûk ber dilê dîya xwe dikir gazî: – Gîkol, Gîkol, were, were, were.





